

ներից. Հաղթատն ու Սանահինը, Գետիկա և Խորանաշատի վանքերը գլխավոր կեդրոններն են այս շրջաններին. Հովհաննես Տավուշեցի, Մխիթար Գոշ, Գրիգոր Գանձակիցի, Վանական, ինչպես և սուրա աշակերտները՝ Վարդան, Կիրակոս, Մաղաքիա և Մխիթար Այրիվանեցի պատմիչները, Գրիգոր Տուտեոդցի, Դավիթ Քուրայրեցի, Գրիգոր վորդի Աբասա, Դավիթ Ալավկա վորդի, Վարդան մեկնիչ, Հովհաննես Ա. և Բ., Համադասպ և Հովհաննես Գ. Հաղթատի յեպիսկոպոսները, սոքա բոլորը իրեն մատենագիրներ կամ շինարարներ, այս յերկու շրջանի մարդիկ են:

Կենդանարար շարժումը յերևում է հատկապես արվեստի մեջ. ճարտարապետությունն ուրույն կերպարանք և ստանում այս դարում, մանավանդ գաւթիքների պեսպիսուկյամբ և շքեղությամբ. նրա՝ ք ծագմամբ աւելի հին լինելով՝ դառնում են ժ.Գ. դարում միայն, գրեթե, պարտադիր բոլոր նորաշեն տաճարների համար: Հաղթատի հին տաճարին կցված գավիթը՝ նույն վանքի Հովհաննես Ա. յեպիսկոպոսի կողմից, յուր հոյակապ մեծությամբ, իրար խաչող վիթխարի կամարներով և կրկնակի գմբեթների բարձրությամբ, մի գլուխ գործոց և վոշ միայն յուր ժամանակի համար: Ժ.Գ. դարու գավիթը թեև դարդարանքի մեջ Սելջուկյան արվեստի զուգահեռ յերևոյթներ ունի, բայց յուր ամբողջությամբ հանգես և գալիս, վորպես մաքուր հայկական ստեղծագործություն, սերտ կապված ժողովրդական արվեստի հետ: Հայ շինականի տունը հիմք և դարձել այս տեղ յեկեղեցական ճարտարապետության մի նոր ձևի, զանազանվելով միայն յուր շքեղությամբ, դարդարանքով և նյութի հետ կապված փոփոխություններով. գլուղացու ներսից փայտաշեն տունը փոխարկված և այստեղ քարաշենքի՝ Քիչ չեն և փառավոր տաճարներ, վորոնք հայ նախնի ճարտարապետության վորդին ու ավանդությունները պահելու հետ, ունին և ժ.Գ. դարու վերածնության հատուկ գծեր և դարդարանքի փոճեր: Հոհաննա վանքը Վաչուտյանց իշխանության մեջ, Գանձասարը Խաչենի, Ամաղուն կամ Նորավանքը Որբելյանների, Դսեղի Բարձրաքաշը Մամիկոնյանների, Գեղարդը Խաղբակյանների, նույնը կարող ենք ասել բոլոր մեծ ու փոքր իշխանությունների համար, կենդանի և խոսուն վիկաներ են մի աննման, եռանդուն շինարարության, վորի նմանը քիչ և կրկնվում պատմության մեջ*:

Քանդակագործությունը (նաև փայտի վերա), հատկապես խաչքարի արվեստը կատարելագույն ներբության և հասնում. Գոշ Մխիթարի և Սանահնի վանքերի (պատկեր 5) Որբելյանների Նորավանքի, Դոփ-

* Մտավոր և գեղարվեստական կյանքի այս բարգավաճումը, ընդարձակ շինարարությունը անկարելի էր առանց ժողովրդի ամբողջության նյութական բարեկեցության, վաճառականության ծաղկման, վորոնց մասին մեր տեղեկությունները, տարարադղաբար, շատ սուղ են և կեցկուր:

յանները Խոթա վանքի մեջ, Գեղարդում (պատկ. 6), ևլն, պահված են բազմաթիվ մեկը մյուսից գեղեցիկ և ընտիր հուշարձաններ: Իշխանական կամ սուրբերի բարձրաքանդակներ պատահում են ավելի հա-



Պատկեր 5.

Տուտեոդու խաչարձանը Սանահնում.

ձախ. մանրանկարչությունն ու վորմանկարչությունը կենդանության ուշագրավ նշաններ են ցույց տալիս: Հայ իշխանական տներն իրենց ընտանեկան, նոր գրած ավետարաններն ունին, կամ Թաթարաց արշավանքների ժամանակ արևմտյան դաւաճներում գերությունից ազատած, նորոգել տված*: Խաչենի Վախթանկ

* Գանձ. 264. Ջրարեղ գավառի Թալիշ գյուղի՝ յուր մանրանկարչական խորաններով նշանավոր Բեգունց ավետարանը, նորոգված 1060 թվին, բերված և Կեսարիայից Շիրանշահինց իշխանների ձեռքով ժ.Գ. դարում. տես նաև Բարխուդարյան. Արցախ յեր. 226: Գրիգոր Դոփյանը յուր հիշատակարանի մեջ նկարագրելով Թաթարաց բարբարոսությունները նաև քրիստոնյաների վերաբերությամբ, և իրենց անզորությունը նրանց բացարձակ ոգնելու, ավելացնում է, թե ինչպես սրբազան սպասներ, խաչեր և ՁԶ-եր են ազատել և բերել հայրենիք. «Քանզի ընդ նոցին (Թաթարաց) տէրութեան էար. այլ սակաւուց ոմանց, զոր գնելով ի նոցանէ եւ զոր ձեռաւ մերովք թաքուցանելով, այլ եւ ըզսպաս (s!) սրբութե, գնշանս արուեսական և զտառս աստուածային, ոչ ձեռաւ մերովք առեալ յաւարի, այլ գնեալ ի նոցանէ, բերաք ի սեփական տէրութիւնս մեր զճաղկալից բուրաստան դաւադ տաւնականն եւ միւս այլ տաւնական ... (մի տողի չափ չի կարդացվում.)» Եւ զաւետարանն եւ զաջն սրբոյն Ստեփանոսի, զոր ի քաղաքէն Կանու (Իկոնիա) բերաք եւ տուաք ի բնիկ